

Ko 'etau fa'unga ki he mo'ui lelei mo e ngaahi faingata'a'ia

Ngaahi komiuniti Pasifiki

'Oku fehangahangai 'a e ngaahi komiuniti Pasifiki mo ha tu'unga mo'ui 'oku fuonounou ange ia 'i he mo'ui 'a e tokolahi 'o e ngaahi kulupu kehé pea toe mā'olunga ange ai 'a e tu'unga 'o e mate 'oku ala ta'ofia 'i hono fakahoa atu ki he tu'unga faka'avalisi. Kuo 'ikai fe'unga 'a e ngāue kuo fakahoko 'e he'etau fa'unga ki he mo'ui lelei ke fakapapau'i 'oku ma'u atu 'e he kakai Pasifiki 'a e ngaahi ola tu'unga tatau mo ia 'oku ma'u atu 'e he kakai Nu'u Sila kehé.

Ko e hā 'a e me'a 'oku liliu? Ko e hā hono 'uhinga?

Ko e lahi 'o e ngaahi liliu ki he fa'unga ki he mo'ui lelei 'e hoko ai ha liliu mahu'inga mo lelei ma'á e kakai Pasifiki, 'aki:

- 'a e 'inivesi 'i ha fatongia fo'u tu'utu'uni ngāue ma'á e kakai Pasifiki, 'i loto 'i he Potungāue Mo'ui, ke ne tataki ha taumu'a ngāue fo'ou ki he mo'ui lelei 'a e kakai Pasifiki, pea mo fakapapau'i 'oku 'i ai ha tokanga makehe 'a e Health New Zealand ki he mo'ui lelei 'a e kakai Pasifiki
- hono toe fakamālohi ange 'o e le'o 'o e ngaahi komiuniti Pasifiki, pea mo fakapapau'i 'oku ho'ata mai 'a e ngaahi fiema'u mo e ngaahi me'a 'oku fakamu'omu'a 'e he kakai Pasifiki 'i he ngaahi tu'utu'uni ngāue fakafonuá
- hano fakaai ha ngaahi sēvesi lahi ange 'oku fakava'e'aki 'a e ngaahi tefito'i tui mo e ngaahi founa tauhi fakafaito'o 'a e kakai Pasifiki.

'E fōtunga fēfē ia 'i he kaha'u?

'E malava 'e he ngaahi komiuniti Pasifiki 'o fakafuo 'a e anga 'o hono fakahoko atu 'o e fuofua tauhi mo e tauhi 'i he komiuniti ke ofi atu ki he ngaahi feitu'u 'oku nau nofo ai, 'o fakapapau'i ai 'oku toe lahi ange 'a e ngaahi sēvesi 'oku 'atā atu ke fakalato 'a 'enau ngaahi fiema'ú, 'o toe lahi ange ai 'a e ngaahi sēvesi kuo fo'u ma'á e kakai Pasifiki 'e he kakai Pasifiki.

'I he tu'unga fakafonuá, 'e ngāue fakataha 'a e Potungāue Mo'ui mo e Health NZ mo e kau taki 'i he mo'ui lelei 'a e kakai Pasifiki, ke 'ilo 'a e ngaahi founa ngāue 'oku lelei tahá pea fakapapau'i 'oku vahevahe atu 'eni ke 'inasi ai 'a e ngaahi feitu'ú mo e ngaahi sēvesi, 'aki 'a e taukei mataotao mo e tataki 'a e kakai Pasifiki. Ko e fakataumu'a atu ko ia ke ma'u ha ngaahi ola 'oku lelei angé ma'á e kakai Pasifiki te ne toe teke atu ai ha ngaahi fakalelei vave ange 'i he tu'unga lelei 'o e tauhi mo e ngaahi ola ki he mo'ui lelei.

Ko e hā 'a e me'a 'oku hoko mai 'i heni?

'E fai 'a e fengāue'aki mo e ngaahi komiunitī Pasifikí ko ha konga ia 'o e ngāue fakaikiiki ki hono fo'u 'o e fa'unga fo'ou ki he mo'ui lelei, kau ai 'a e ngaahi tafa'aki hangē ko e founa ki hono toe fakalahi hake 'o e le'o 'o e ngaahi komiunitī Pasifikí ki hono fakalele 'o e Health NZ mo e Potungāue Mo'uí.

Fie 'ilo ki ha fakamatala lahi ange?

'Oku 'i ai ha fakamatala lahi ange felāve'i mo e ngāue mo e fakalakalaka 'oku hoko 'i he ngaahi liliu ki he fa'unga ngāue ki he mo'ui lelei 'i he uepisaiti 'a e DPMC 'i he malumalu 'o e ngāue 'a eTransition Unit:

www.dPMC.govt.nz/our-business-units/transition-unit.